

մանակ, երբ իւրաքանչիւր ֆրանսիացի քաղաքացի իրաւունք ունի ստիպելու, որ լսեն իր խօսքերը, եպիսկոպոսների յայտարարած ճշմարտութիւնը ատելութեան առարկայ դարձաւ իշխող անձերի համար, և ահա այժմ նրանք կամենում են խլել այդ եպիսկոպոսներից նրանց իրաւունքը՝ ուսուցանել իրանց հօտին: Պիոս X-ը հրաւիրում է կաթօլիկներին սերտ կերպով միանալ իրանց հոգևոր առաջնօրդ եպիսկոպոսների շուրջը, յորդորելով կռիւ մղել եկեղեցու ազատութեան համար, և յոյս է յայտնում, որ «կը գայ մի օր, որ կը տայ նրանց յաղթութիւն թշնամիների վրայ և կը վարձատրէ այժմ թափուող արցունքները»:

Պապի ճառին Ֆրանսիայում բնականաբար խիստ պատասխաններ տուին: Զգոյշ և չափաւոր «Temps» լրագիրը գրում է, որ «այդպիսի ճառերը միայն այն կարծիքն են հաստատում, թէ Հոօմը չէ ցանկանում հանգիստ թողնել Ֆրանսիային, մինչև որ կառավարութիւնը հանգիստաւոր մեղայական չը բերի նրան: Աւելորդ անգամ ստիպուած ենք մատնացոյց անել այն կորստաբեր ազգեցութիւնների վրայ, որոնք Պիոս X-ի քահանայապետութեան օրից մղում են Հոօմը դէպի ծայրայեղ քայլերը այն երևակայական յուսով, որ եկեղեցին վերջ ի վերջոյ օգուտ կունենայ մի այդպիսի դործելակերպից»:

ԲՈՂՈՔԱԿԱՆ ԵԿԵՂԵՑԻ

Բերլինում այժմ տեղի են ունենում Պրուսիայի ինն հին նահանգների աւետարանական եկեղեցու գլխաւոր (հերթական 6-րդ) Սինօդի նիստերը, որի քննութեանը պրուսական բարձր խորհրդից առաջարկուած է օրինագիծ պատօրնների անուղիղ վարդապետութեան մէջ մեղադրութեան մասին, որը Սինօդի զբաղմունքների մէջ ամենակարևոր կէտն է լինելու: Ազատամիտ պատօրնների մասին «գործերը» որ վերջին տարիներս այնքան յաճախ ծագում են կոնսիստորիաներում և եկեղեցական բարձր

խորհրդում, ստիպեցին կառավարութեանը հոգալ, աւելի յարմար միջոց գտնել վճռելու ընդհարումները նոր աստուածաբանութեան հետևող պաստօրների և ուղղափառ (աւանդապահ) ժխականների մէջ: Նման գործերի քննութիւնը պետական եկեղեցական հաստատութիւնների մէջ յարուցել է և յարուցանում է լուրջ առարկութիւններ:

Ոչ միայն ազատամիտների այլ և չափաւորականների կողմից յամառութեամբ պնդում են, որ աւետարանական եկեղեցում չի կարելի վարդապետութիւնը կարգաւորել իրաւաբանական չափով և հանդանակից շեղումն չը պէտք է նկատել որպէս յանցանք՝ ենթակայ վարչական հետամըտութեան, ինչպէս է պաշտօնական պարտաւորութիւնների զանցառութիւնը, այլ եկեղեցու վարդապետութեանը հաւատարիմ հաւատացեալների շահը պէտք է այնպէս պաշտպանել, որ պաստօրների ազատութիւն էլ շատ սեղմուած չը լինի:

Այս խնդիրը քննուեց անցեալ տարի գերմանական աւետարանական եկեղեցական կոնֆերենցիայում (գերմանական կայսերութեան պետութիւնների եկեղեցական պետական ներկայացուցիչների ժողով) էյզենախում. ուր ձևակերպուեցին այս բարեփոխութեան համար ցանկալի կէտերը, որոնք և բարձր եկեղեցական խորհրդից ընդունուեցին որպէս հիմք օրինագծի: Խորհուրդը համարում է որ յայտնի դէպքում, որքան էլ բողոքականութիւնը ազատ լինէր սահմանափակութիւններից, պաստօրների շեղուիլը դաւանութիւնից անհամապատասխան է նրանց եկեղեցական պաշտօնէութեանը, բայց խորհուրդը անյարմար է գտնում իրաւական, զուտ մեքենական քննադատութիւնը, Վաւանութիւնը, ասում է նա, օրէնք չէ, այլ պահանջ որ պաստօրը քարոզի Սր. գրքի բովանդակութիւնը և դաւանութեամբ վաւերացած հաւատի ճշմարտութիւնը, համայնքի հաւատը, իւր քարոզութեամբ համայնքի կրօնական շինութեանը ծառայի: Բողոքական եկեղեցում նման օրինակ մի այլ պահանջ է, որ այս քարոզը լինի պաստօրի անձնապէս իւրացրած ճշմարտու-

Թեան կենդանի վկան, նրա քրիստոնէական գիտութեան փորձառութեան հետեանքը: Որից հետեում է, որ պաստօրի համար ազատութիւնը նրա պաշտօնի անհրաժեշտ պահանջից այն կողմը պէտք է չանցնի:

Այդ երկու պահանջները իրար հետ հաշտեցնելու համար Բարձր—Եկեղեցական խորհուրդը ծրագրում է, որևէ պաստօրի ոչ—ուղիղ վարդապետութեան մէջ մեղադրելիս, թէ պաստօրի շեղումն դաւանութիւնից տեղին էր թէ անտեղի» (և հարցը այսպէս պէտք է տրուի և ոչ թէ պաստօրի վարդապետութիւնը ճշմարիտ է թէ սուտ) պետական եկեղեցական վարչութիւններին յանձնելու տեղ պէտք է յանձնել նոր, յատկապէս կազմած ատեանի, որ ազատ համոզմամբ պէտք է վճիռ դնի: Որպէս զի այս նոր կազմած ատեանը կարողանայ ճշտութեամբ արտայայտել պրուսական աւետարանական եկեղեցու խոստովանութիւնը, նրա կազմի մէջ, բացի եկեղեցական կառավարութիւնից, աստուածաբանական գիտութեան և եկեղեցական հասարակութեան ներկայացուցիչներ էլ պէտք է լինին: Ատեանը, ծրագրի համեմատ պէտք է կազմուի 13 անդամից. նախագահից, որ ժողովի ատենապետն է լինելու, նրա հոգևորական և աշխարհական օգականներից, և բարձր եկեղեցական խորհրդի աւագագոյն անդամից, հին նահանգների գերմանական համալսարանների աւետարանական աստուածաբանութեան երկու իսկական պրօֆեսորներից, որոնք խորհրդի առաջարկութեամբ պէտք է նշանակուած լինեն թագաւորից, գլխաւոր սինօդի ընտրած երեք անդամներից, և գեներալ սուպերինդենդից այն նահանգի, որտեղացի որ է մեղադրեալը և գաւառական սինօդի ընտրած երեք անդամից: Այս ատեանի առաջ քըննում է պաստօրների ոչ ուղիղ վարդապետութեան գործը, բերանացի վկաների ցուցմունքներով, ի ներկայութեան մեղադրեալի և նրա պաշտպանի: Ներկայ եղող անդամների ²/₃ բազմութեամբ դրած վճուի մէջ որոշում է հաստատում է թէ չի հաստատում, ամբաստանեալ պաստօրի շեղումը լինելը, ապա վճում է թէ նրա գոր-

ծունկութիւնը անհամապատասխան է այն կոչմանը, որ նա ունի դաւանութեան վերաբերութեամբ: Վճիւր համարում է անդառնալի:

Երբ վճռում է, թէ պատօրի վարդապետութիւնը ուղիղ չէ, դուրս է արւում նա պաշտօնից և զրկւում հոգևոր կոչման բոլոր իրաւունքներից և տիտղոսից, կորցնում է իրաւունքը պետութիւնից թոշակ ստանալու, և իւր մահից յետոյ կինն ու զաւակները նոյնպէս զրկւում են պետական նպաստից:

Սակայն նոր օրէնքը նրան բոլորովին էլ չի կամենում թողնել զուրկ միջոցներից, և թողնում է բարձր եկեղեցական խորհրդին նրան թոշակ տալ եկեղեցական թոշակների գումարից այն չափով և այնքան ժամանակ, որքան որ բարեք է գտնուում:

Վերջ ի վերջոյ նոր դատարանը եկեղեցու դաւանութիւնից շեղող պատօրին աւելի խիստ է դատում քան առաջին վարչական դատարանը:

Թէև ձևական կողմից՝ դատավարութիւնը կրում է աւելի ուսման վարդապետութեան մասնագիտական քննութեան կերպարանք քան յանցանքը պատժելու միջոց:

Թէև օրինագիծը հրատարակուած է Սինօդի բացումից ոչ շուտ, բայց մամուլը արդէն յայտնել է իւր կարծիքը, ըստ էութեան: Պաշտօնական պարտաւորութեամբ ազատամիտ մամուլը ինչպէս պէտք էր ենթադրել, խիստ վերաբերուեց դէպի օրինագիծը, համարելով այն բռնութիւն գիտութեան վերայ. պահպանողականները օրինագիծը համարում են անբաւարար, ասելով, որ պատօրի ոչ ուղիղ վարդապետութիւնը պէտք է դադարուի եկեղեցու դաւանութիւնը կանոն ընդունելով: Նրանք կարծում են, որ դատարանը աւելի բարձր է դասուած քան դաւանութիւնը, և ստանում է իշխանութիւն որ չունեն ոչ կարգենալները և ոչ պապը: Կաթոլիկական լրագրները չարախնդութեամբ հեգնում են, «պրօտեստանդութեան անսխալական վարդապետութեան» հաստատութիւնը:

— Նիմուս, որ հարաւային Ֆրանսիայի բողոքականների կենտրոնն է, հոկտեմ. 26 — 28 (ն. տ.) տեղի ունե-

ցաւ ֆրանսական բողոքականների առաջին գլխաւոր ժողովը: Բողոքականութիւնը ֆրանսիայում հետեւեալ եկեղեցական համախմբումներն ունի. 1—3 բեֆօրմատեան եկեղեցիներ, որի մէջ մտնում են բողոքականների մեծագոյն մասը. նրանք երեք խմբի են բաժանում — օրթօդօքս կամ աջակողմեան (églises réformées evangeliques) ազատամիտ կամ ձախակողմեան (églises réformées unies) և միջին (églises réformées) կամ ժարնակեան միութիւն, 4. ազատ (բեֆօրմատեան) եկեղեցիներ, 5. Լուտերական կամ Աւգսթուրգեան գաւառութեան եկեղեցիներ, 6. Մետօդիստների եկեղեցի, 7. Բապտիստների եկեղեցի, Այս եօթն եկեղեցիները չունէին մի ընդհանուր կենդրոն, հաղորդակցութիւն պահում էին իրար հետ միայն երեք յանձնաժողովների միջոցով:

Ժողովի նպատակն է բողոքական եկեղեցիների միութիւն կազմել, նրա հաւաքուել էին 88 ներկայացուցիչներ: Աշխատութեան համար չորս յանձնաժողով կազմուեցին իւրաքանչիւրը 15 մարդուց. ա. ժողովի ցանկութիւնները քննելու, բ. ապագայում գլխաւոր ժողովը կազմակերպելու հարցի համար, գ. յանձնաժողովի գործողութեան առաջարկները նայելու համար, դ. ֆրանսական բողոքականներին դիմելու ծրագիրը կազմելու համար: Որոշուեց գլխաւոր ժողով կազմել հինգ տարին միանգամ, ... մաքառելու արքեցութեան դէմ, Ս. Գրքի երկու ընկերութիւնները միացնել և Մադագասկարում պահպանել խղճի ազատութիւն, ընկերական դատարան հիմնել, Կալվինի արձանի համար հանգանակութիւն բանալ: Ժողովը որոշեց դիմել ֆրանսական բողոքականներին, հաւատարիմ մնալ այն հաւատին, որի համար իրանց նախնիքը նահատակուել, արիւն են թափել: Բողոքական քրիստոնեաների շրջաբերականը յորդորում է, որ աւելի և աւելի անձնուէր և հաւատարիմ անդամ լինեն իրանց եկեղեցուն, որով եկեղեցիները առաւել ևս կարող են մերձենալ իրար: — Կրօնի դասաւանդութիւնը. — Բողոքականները մեծապէս զբաղուած են ժողովրդական դպրոցների կրօնի դասա-

սաւանդութեամբ: Սաքսոնիայի ուսուցչական միութիւնը որի մէջ հաշուով են 4000 հոգի, Յվիկաու-ի մէջ ժողով է կազմել և որոշել է բարեփոխել կրօնի դասաւանդութիւնը: Գնում ենք այստեղ որոշման կարևոր կէտեր:

1. Կրօնը—ուսանելի առարկայ է, որ ունի էական նշանակութիւն, և կրօնի դասաւանդմանը դպրոցում պէտք է տալ յատուկ տեղ:

2. Նրա նպատակն է մանկան հոգու մէջ արմատացնել Քրիստոսի բարոյական ուսումն:

3. Կրօնի ծրագիրն ու միջոցները պէտք է համապատասխանեն մանկական հոգու պահանջներին, որ պէտք է մշակէ ինքն դպրոցը: Տարրական դպրոցում կրօնի դասերին պէտք է խուսափել դաւաբանական տեսութիւններից:

4. Գասաւանդելու համար այնպիսի նիւթ պէտք է ընտրուի, որ կարողանայ պայծառ կերպով ներգործել մանկան կրօնական և բարոյական զգացմունքի վերայ: Գասաւանդութիւնը պատմական յատկութիւն պէտք է ունենայ, նրա հիմնական կէտք պէտք է լինի Քրիստոսի անձնաւորութիւնը: Բաց ի Սուրբ Գրքի նիւթից պէտք է առանձին ուշադրութիւն դարձնել կրօնական բարոյական սուպարիզում գործողների վարքի և կենսագրութեան վերայ:

5. Ծխական դպրոցները պէտք է զերծ լինեն դաւաբանական կրօնի դասաւանդութիւնից, դպրոցի բարձր դասարանում պէտք է բացատրուի հաւատապատումի բովանդակութիւնը, այսինքն 10 պատուիրանները, լեռան քարոզը, Հայր մերը, որպէս քրիստոնէական բարոյականի էական հիմունքներ...

Բայց Սաքսոնիայի դպրոցների տեսուչների ժողովը բոլորովին ուրիշ հայեացք ունի: Ժողովը անհրաժեշտ է գտնում եկեղեցու դաւանութեան դասաւանդութիւնը ըստ Լուտերի հաւատապատումի, դպրոցում սկսել հենց առաջին տարուանից, առաջին և երկրորդ տարին՝ շաբաթը երեքական կէս ժամ, դաս, 3 և 4 տարին 2 ական, 5-6 տարին երեքական 7 և 8 տարին չորսական ամբողջ ժամերով դասեր:

Սեմինարիաների ուսուցիչները ժողովրդական դպրոցների ուսուցիչների և տեսուչների միջև միջին ճանապարհն են ընտրել, և որոշել են՝

1, Դպրոցն ու եկեղեցին միասին պէտք է կազմեն դպրոցի կրօնի դասաւանդութեան ծրագիրը:

2, Բացի քրիստոնէական կրօնի պատմական զարգացման մասին տեղեկութիւնից, անհրաժեշտ է քրիստոնէութեան կրօնական—բարոյական հայեացքի մասին ընդհանուր տեղեկութիւններ տալ մանուկներին առաւելապէս օգտուելով Լիւտերի հաւատապատուից:

3, Անհրաժեշտ է պակասացնել ուսման ծրագիրը, բայց պահել թուանշաններն ու հարցաքննութիւնները:

